

四十三年甲申冬十一月朔日食

四十四年乙酉虎入欽州城

四十五年丙戌夏四月日食

五月熊至欽州城南鰲魚洲

四十七年戊子秋八月朔日食

四十八年己丑秋八月日食晦

五十年辛卯蠲免廣東全省地丁錢糧及積

逋

五十一年壬辰



詔以宋儒朱熹升祔十哲之次

夏五月靈山鳴珂江溢漂溺男婦百餘壞廬

舍無算

暴雨更餘水驟漲鳴珂卽烏江以其灘聲激越玲玲然如鳴玉之音故名

秋八月至九月初旬颶風連日大作稻花盡

落閩郡晚禾無實

五十二年癸巳春恭逢

萬壽大赦天下鄉試會試

特賜恩科

恩詔內開自五十年編審丁數定爲常額續生



人丁永不加賦仍造清

盛世滋生戶口冊

夏四月三廉大饑合浦尤甚積尸滿室餓殍  
盈郊致成疫癘奉

旨停徵錢糧俟明年帶徵

秋都察院左都御史趙申喬禮部員外郎楊  
存理奉

命賞兵按臨廉郡

五十三年甲午秋



欽差大人理藩院郎中朝爾代全李 麥 湯

苗至廉屬丈量輿圖

五十四年乙未夏四月朔日食晝晦

五十五年丙申

詔以宋臣范仲淹從祀

孔子廟兩廡賢者先儒之末

五十六年丁酉夏六月提督王文雄巡邊至

廉州設立砲臺七所

合浦冠頭嶺入字山大觀港東岸 欽州香爐墩

牙山石龜頭大觀港西岸

特旨設立



冬十月靈山縣重修

文廟

康熙癸未初遷入城越十餘年

僅成

正殿至是知縣葉昌李培仁捐俸

為紳士倡始建啟聖宮及雨廡名宦鄉賢

二祠大成櫺星諸門鑿泮池築宮墻越年

而工竣李令撥下甲五冬官田一石有奇

租一百二十五石着原督修生員霍廷瑜

等四人管理迺年租銀貯備修葺學宮

五十七年戊戌巡撫都察院法海牌行廉屬

### 招墾

五十九年庚子知府徐成棟捐俸重修府學

文廟東西兩廡名宦鄉賢二祠大成櫺星諸門

泮池宮墻煥然一新置禮樂器延樂師教習



樂舞冬重修聯珠講院

是年有合浦學文生曾文潮即中武舉靈

山學文生張琮即中文舉之驗

六十年辛丑春知府徐成棟設義學課生徒

捐俸重修啟聖宮及尊經閣城隍廟天妃廟

百廢俱興復開局於聯珠講院選集四學廣

文三屬紳士重修郡志捐俸梓之

靈山縣知縣唐開運捐俸倡建明倫堂於靈

山縣學之右



廉州府志卷之二

知廉州府事紀錄十次襄平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異全閱

欽州知州遼陽董紹美

合浦縣知縣遼陽鈕廷彩全閱

靈山縣知縣沈丘唐開運

地里志

英豪賢喆皆孕靈于山川故建國立都先相

其流峙以覘王氣而村落次之鄉都正而賦

役定灌漑滋而力穡豐日中設而貿遷利皆



因天和地德以左右民者也至於氣候乃陰陽之令風俗為觀化之原丘墓以示有終舊蹟以表故國又提封之不可少者志地里

山川

合浦

大廉山

在府治東一百里郡因此名

黃稻山

在府治北九十里

糠頭山

西北一百五十里秦尉佗常駐軍於此

北峩山

西北一百

夫人山

東一百二十里劉宋陳伯紹妻葬於此



姜山

東北一百四十里

壽山

東百五十里  
峯巒秀麗如畫

百良山

東一百五十里  
多產大木良材

五黃山

北一百五十里  
路遇五人黃衣朱顏相與談笑指  
示迷者得歸俗呼為五皇嶺上有

五皇廟白鶴觀多產異果人入山

食之不得挾歸如  
挾一果即迷歸路

白石山

在廢石康縣東五十里其三山相  
接山石皆白故名東坡有云青水

南白石北此地  
崔峩人不識

篔竹山

北一百三十里

冠頭嶺

南八十里形勢穹窿山色赤黑如  
冠故名相傳交趾黎王葬於此

人每年望  
海一祭  
三山  
在石康縣  
東四十里



龍門嶺

東八十里  
龍門村

高登嶺

在廢石康  
縣南半里

東山嶺

東一十里  
東山寺故址  
昔人題為  
海角第一  
峯地勢蜿蜒  
景象幽雅  
亦廉之  
勝也

獨峯嶺

南二十里  
平地突起  
尖圓峯峭  
欲觀海者  
陟其顛則  
諸池宛然  
在目

馬鞍嶺

在廢石康  
縣東一里  
長沙村後

牛角嶺

東二十里

黃姜嶺

東六十里  
漢董賢父  
恭徙合浦  
卒葬于嶺  
下今人多  
呼董公山

九頭嶺

南十里有  
天妃祠

抱子嶺

東二十里

仙人嶺

東二十里  
嶺上石  
有仙人跡  
故名

草花嶺

南二十里

鸚鵡嶺

在廢石康  
縣西十里